

廣州城坊志卷三

黃佛頤纂

西湖街（西甕街）

羊城西湖街，舊名西甕街，蓋古之西甕城也。前明趙氏族於此，國初始易今名。趙氏皆他徙。粵臺徵雅錄

明布政司清軍道署，舊為海北道，在西甕街舊五羊驛址。

天順三年，清軍御史宋榮增修，改為察院。嘉靖四年，更。

右布政清軍北居之。

阮通志引黃志

南海義學，在西湖街。雍正元年，知縣劉志捐修。慶八年，

布政使康基田修葺，改為西湖書院。阮通志

按 南海縣志作雍正元年，知縣宋璋捐建，二年劉庶捐修。

又按 宣統南海續志云光緒三十二年以西湖書院改建初級師範簡易科館三十三年改為中學堂廣糧通判舊署初移外城水母灣又移內城西湖街今圯為西湖倉道光南海縣志

廣糧通判西湖倉在西湖街乾隆五年建廩八座二十二年添建三座乾隆廣州府志

廣南船運道署舊在內城西湖街廣州右衛署改今裁同上
忠潮道行署在西湖街阮通志

會城平糶忠濟東西二倉在西湖街道光丁酉撫部祁項與同官暨紳士創建先是西湖街東有舊倉西有忠潮官邸皆久曠不修因改建馬東為忠濟東倉西為忠濟西倉

東倉廩十二、西倉廩八、歲歉平糶、公推紳士二人、住倉董事、總理一人、協理二人、遞年出納、通稟報銷、不任衙蠹之手、祁公有記、同治南海續志

按

番禺縣志、二倉道光十三年、總督盧坤創議、籌

辦、東西倉均有堂、東祀倉神、暨盧公坤、西祀祁公墳

昭忠祠、嘉慶八年建、在西湖街、每年春秋享祭、南海縣志

西湖書院、西偏舊有昭忠祠、崇祀粵東歷代列難官紳、道光乙酉、邑人重建書院、並葺焉、同治南海縣志

按

阮通志云、嘉慶七年十二月、大學士九卿會議、

嗣後應入昭忠祠、其四品以下之文職、三品以下之

武職、及兵丁鄉勇、各附祀於本籍、

又宣統南海續志云昭忠祠在西湖書院右、改建為學堂、後增祀於堂後右偏

廣州昭忠祠舊在西湖街嘉慶八年奉旨所建祀前兩廣總督佟公養甲以下若干人總督瑞公巡撫李公爰于粵秀山之麓別營隙地創建新祠諱宗浚希古堂集

按白雲粵秀二山合志云祠在西湖書院之右春秋二仲委府學教官永祭其領祔多旗籍人

觀蓮街

都指揮經歷署在內城觀蓮街今裁乾隆廣州府志節婦梁思靜羊城雜詩藥洲流水接西湖想家觀蓮占一

區今日重經風景地人家煙樹已模糊南海縣志

道愛祠在觀蓮街為明鹽道黃月祥建番禺縣志

佛慧庵在觀蓮街南海縣志

楊公祠在觀蓮街佛慧庵西紳民建祀前廣東巡撫楊宗

仁今為營丁占踞南海百詠續編

宋廣川僉判劉大昕故宅相傳在白蓮池初經使陳峴於

南漢藥洲多植白蓮因易名曰蓮池東偏今有仙湖里其

北有觀蓮街疑亦以此得名番禺縣志

楊公祠在城內觀蓮街乾隆間總督楊公應琚增置祀田

按楊忠仁奉天人康熙五十四年巡撫廣東子文乾雍正

三年巡撫廣東孫應琚乾隆十九年總督兩廣白雲山志

書坊街

乾隆二年七月初六日大雨仙湖書坊清源三處街道房屋被浸疑作浸水深三尺滿承麟等呈遼靑山水從新城濠大河而去渠內有銅柱三條每條八寸廣濶出水因城上拱石折斷閉塞拆城修整乾隆南海縣志

國初南海外濠既淤平南王督修復塞康熙二十二年九月布政司郎廷樞力疏之南濠漫迥舟楫乾隆三年知縣魏綰與番禺縣各浚所屬城濠濶二丈餘深三尺五寸潮沙濠洄實增形勝風濤無虞商民稱便城內仙湖書坊清源三處乾隆正十二年五月雨淫至乾隆二年七月復淫知縣魏綰詳浚溝渠內有銅柱三條每條寬八寸出水驗

得城上拱石折斷塞流拆城修整疏通至乾隆六年知縣魏煢又詳浚城內各處溝渠庶古脉流通人皆安堵矣南海縣志

朝觀街（大有街）

大有倉在朝觀街計有五十四間係糧道署改今截建中協署沅通志

南海縣常平倉在朝觀街計六十二間係糧道舊署西廳改乾隆廣州府志

按沅通志云常平倉在大有倉西雍正七年知縣劉庶建南海縣志又云大有倉与常平倉同街

中鎮府署在大有倉街同治戊辰以廢倉改建舊在白米
巷咸豐丁巳燬

壬申南海續志

城南羅氏義隱書院在會城朝觀街者池中有石出土挺
丈許質白滑橫亦數尺入地尚不知若干尺也當是南漢
運諸太湖者

順德縣志按城南縣城之南

咸豐甲寅賊民之興如恒河沙數乃不一二年間盡剗同
羊豕馬頭劊子手剪截日至數百無隙地又繫繫械至大
有廢倉前就戮血肉狼藉屍氣聞數里外東郊叢莽處至
不能容

壬申南海縣志

常平倉為糧道舊署西隄在朝觀街轉西道光八年因修
倉前街道更名大有街

南海縣志

按 庚戌南海續志云光緒二十五年以大有倉改建豫豐倉凡十九墩

惠福里

明嶺東道清軍道二署俱在按察司忠福巷案今鹽運司署疑即其故址又按黃通志二署為千秋寺故址西南地千秋寺者南漢所建二十八寺南七寺之一也南海縣志

按 羊城古鈔云千秋寺舊在藥洲南

鹽運使司署在內城忠福巷即鹽驛道署改庫及大使署在本司署西沅通志

按 郡通志云康熙三十六年設兩廣鹽使司沅通

志云明嘉靖五年建七田鹽法道于分守嶺南道東
忠福巷鹽驛道署疑卽明七田鹽法道署也

水豐倉大使署在內城忠福里乾隆廣州府志

南海縣典史署舊在縣署內今在忠福里同上

碧玲瓏館在鹽運使署西園同治初鹽運使定遠方濬頤

葺治種竹數十竿濃陰寒碧故名流舊名馬平王姓邑人

李光廷陳濃張清華陽其間番禺縣續志稿

兩廣鹽運使司署在廣州府城內忠福里係舊海鹽道署
所改大門三間儀門三間甬道左右吏舍各九間大堂五
間左右兩間爲東庠西庠二堂五間三堂五間左轉爲內
幕房三間右轉爲內書齋三間吏右轉爲內宅五間三堂

後樓房五間由二堂左轉為東廳三間廳之對平屋三間由二堂右轉為西廳三間左右廊房各三間廳前廠屋三間更右轉為箭道有射堂三間其餘周圍平屋兩廣鹽法志金花廣州女巫也少姣美溺于仙湖後有沈香小家自湖流出皓肖夫人居人祠之主禱嗣事生忠福巷故又稱忠福夫人羅天尺癸革山房詩刊

按南海縣志引廖元素重建金花仙蹟古廟碑云神于洪武七年甲寅歲四月十七日子時降生于忠福巷金女巫家

雨帽街

(都司後街)

萬歷二十九年辛丑，督學袁公茂英改建李公昂英新祠於雨帽街，備倭府故址。有司春秋專祭，今祠地入為尚王府，而俎豆于海珠。李殿苞忠簡九公行狀

李忠簡祠在都司後街。明萬歷二十九年，提學副使袁茂英建祀。宋史部侍郎李昂英。阮通志

按：乾隆廣府志云：忠節祠在備倭府故址。祀宋史部侍郎李昂英，忠節為忠簡之訛。

洗時豐世居廣乾濠尾儒家巷。元帥府廉訪司令史墳在省城北門。兵燹之後，祀為駐防。今雨帽街一帶故墳址也。
濟軒南海鶴園洗氏宗譜

按：番禺縣江莫氏譜，明成化間莫氏娶雨帽街蕭

姓嘉靖間女適雨帽街湯姓是當時此街已多居人也

桂香街（賢藏街）

羊城桂香街舊有文昌祠街名桂香以祠名也廢藩入粵祀事不脩廟亦頽廢積三十餘年藩憲北徙大中丞李士楨回葺文昌祠新其堂構冬十一月諸紳士醵金恢復故業

乾隆南海縣志載將伊重修文昌宮碑記

伊重修文昌宮碑記

文昌廟在忠愛坊即桂香街口康熙二十三年巡撫李士楨重修參議蔣伊作碑記雍正七年署巡撫傅泰布政使王士俊重修羊城古鈔

又於祠右買地建揚化樓。乾隆廣州府志

按番禺縣續志稿云樓在廟後雍正九年南海知縣劉庶建有碑

又按陸隴其靈壽縣志云司馬遷天官書斗魁戴匡六星為文昌一曰上將二曰次將三曰貴神四曰司命五曰司中六曰司祿周禮大宗伯以禋祫祀司中司命月令季冬之月畢祀天之神祇鄭康成謂司中司命與焉蓋文昌之祠久矣就而察之說約帝君則道家之說也三代以上天神地祇亦無廟而祭者文昌宮在忠愛坊柱香街口故又名柱香宮成化十二年建順治十三年修康熙二十三年巡撫李公士楨重修

參議蔣公伊作碑記白雲粵秀二山合志

郭元昇字開仲世居南城桂香街父安世傳迪辟籍昇克遵庭訓舉壬午鄉試第三人鼎革後隱居教授乾隆南海縣志

按壬午為崇禎年

舊都指揮使署國初移外城新橋市又遷內城桂香街今裁為糧驛道署阮通志

麥氏始祖隋宿國公祠在桂香街裔孫調元吉臨等建乾隆

南海縣志

貞節坊為尚崇恩母建在桂香街康熙六年旌番禺縣志

按白雲粵秀二山合志作孔氏

簡氏粵東關宗祖祠在廣州城桂香街康熙四十三年甲

中建區曰資成堂地基原小屋數椽皆朽腐新會縣孝廉
劉國用叔姓償項廢藩下牛泉之舊屋也先是兩藩入粵
盡踞老城以居藩兵官舍民房皆不得與康熙二十二年
削平藩亂大中丞金諱錫李諱士禎先後拜疏請以大市
街之東為官解餘以真民居詔報可維時郡之著姓紛紛
購買以建祖祠二十六年地功郎史生某子姓十房歛貲
償買四十三年有渭川者慨然以興創為己任祀周王朝
大大帥甫祠來曰范陽書院乾隆二十六年辛巳修後改
簡氏書院周朝亮簡氏大同譜

曲江侯洗勁祠在省城賢藏街明天啓二年一十八房公
建國朝乾隆三十七年改題書院遵特制也

洗賢幹南海縣
周氏宗譜